



Sesida dals

Communitgà ils

Protocol nr.

23 d'avrigl 2019

26 d'avrigl 2019

284

Dumonda Degiacomi

concernent il sustegn da lavurantas e lavurants pli vegls a la tschertga d'ina piazza

Resposta da la regenza

Tar la dumonda 1: La cumparegliaziun da las quotas da dischoccupaziun da las clasas da vegliadetgna da las personas da 15 fin 24 onns, da 25 fin 49 onns e da passa 50 onns (50+) per ils onns 2008 fin 2018 mussa che la categoria da vegliadetgna 50+ è stada il pli pauc pertutgada fin l'onn 2015. A partir da l'onn 2016 sa reducescha la dischoccupaziun da giuvenils massivamain, per part per motivs demografics. Uschia è la quota da dischoccupaziun da giuvenils a partir da lura pli bassa che la quota da la categoria 50+. Cumpareglià cun la categoria da vegliadetgna da las personas da 25 fin 49 onns è la categoria 50+ anc adina pertutgada pli pauc (cf. tabella).

La cumparegliaziun cun la quota da dischoccupaziun svizra da la categoria 50+ mussa che questa categoria da vegliadetgna è pertutgada en il chantun Grischun claramain pli pauc da la dischoccupaziun. En il decurs dals ultims 10 onns è la quota da dischoccupaziun grischuna da la categoria 50+ stada nuninterruttamain per 1 fin 1,8 % sut la media svizra.

	2008	2009	2010	2011	2012	2013	2014	2015	2016	2017	2018
Dumber da personas dischoccupadas GR (cifras absolutas)											
Total	1646	2108	1982	1958	2114	2199	2115	2240	2094	1940	1653
20 – 29 onns	498	566	539	534	570	540	505	507	437	376	274
30 – 39 onns	396	531	476	465	532	542	535	564	538	492	413
40 – 49 onns	354	472	454	458	477	520	494	549	503	447	412
50 – 59 onns	247	363	337	348	373	433	406	455	469	465	423
60 e dapli	56	115	117	110	108	129	128	114	113	124	108
50 e dapli	333	478	454	458	481	562	534	569	582	589	531
Quota da dischoccupaziun GR (en %)											
15 – 24 onns	2,1	2,1	2,1	2,0	2,2	2,0	2,0	1,9	1,5	1,4	1,0
25 – 49 onns	1,6	2,1	2,0	2,0	2,2	2,2	2,2	2,3	2,2	1,9	1,6
50 e dapli	1,3	1,9	1,4	1,4	1,4	1,7	1,5	1,6	1,6	1,6	1,5
Total	1,6	2,1	1,8	1,8	1,9	2,8	1,9	2,0	1,9	1,8	1,5
Quota da dischoccupaziun CH (en %)											
15 – 24 onns	3,5	5,4	4,0	3,3	3,6	3,5	3,5	3,7	3,5	3,0	2,4
25 – 49 onns	3,1	4,4	3,6	3,2	3,5	3,7	3,6	3,8	3,8	3,5	2,8
50 e dapli	2,6	3,7	2,8	2,5	2,7	2,9	2,7	2,9	3,0	2,9	2,5
Total	3,0	4,4	3,4	3,0	3,3	3,5	3,3	3,5	3,5	3,3	2,7

Tar la dumonda 2: Cuntrari a las categorias da vegliadetgna pli giuvnas èsi cleramain pli difficil d'intermediar persunas dischoccupadas da la categoria 50+. Ils instruments ils pli impurtants per megliar la pussaivladad d'intermediar persunas da la categoria 50+ èn – tut tenor la situaziun da las persunas pertutgadas – la furmaziun supplementara (guardar resposta a la dumonda 3), il coaching individual, l'utilisaziun da raits e la sensibilisaziun da las patronas e dals patrons. Ils centers regiunals per intermediaziun da lavur (CIL) tiran a niz dapi onns ils instruments surmenziunads a favur da persunas dischoccupadas pli veglias. Uschia han las cussegliastras ed ils cussegliastrs da personal dals CIL per exempel visità l'onn passà tut en tut 570 patronas e patrons. En il rom da quests discurs han ellas ed els rendì attent tranter auter er als differents instruments per la furmaziun supplementara da persunas dischoccupadas pli veglias e per l'introducziun da questas persunas en la lavur. Tras quai ch'ils CIL visitan dapi onns las patronas ed ils patrons, disponan els d'ina buna rait tar las interpresas. Questa rait vegn natiralmain er tratga a niz per intermediar persunas pli veglias che tschertgan ina plazza. A partir dal matg 2019 vegn la purschida da la fundaziun svizra per lavur e furmaziun supplementara (FSLF) messa a disposiziun a la grupp da vegliadetgna 50+. Ultra dal coaching che vegn purschì da la FSLF, duain vegnir tratgas a niz las raits ch'èn avant maun là. Plinavant è planisada ina cooperaziun cun la federaziun Avenir50plus. In emprim barat en quest regard ha gia gi lieu.

Contribuziuns per l'introducziun en la lavur vegnan per regla concedidas sut la cundiziun che la persuna assicurada survegnia in contract da durada illimitada. En il chantun turistic Grischun restrenscha questa premissa l'utilisaziun da contribuziuns per l'introducziun en la lavur, perquai che passa 80 % da las plazzas annunziadas èn plazzas stagiunals da durada limitada. Ils CIL en il Grischun s'arranschan qua cun approvar praticums. Cun contribuziuns per praticums – che n'èn betg sutmessas ad ina restricziun da vegliadetgna – pon er persunas dischoccupadas pli veglias vegnir introducidas en la lavur.

Tar la dumonda 3: La promoziun da las qualificaziuns professionalas è ina mesira centrala per intermediar cun success ina plazza. L'experientscha mussa dentant ch'er persunas dischoccupadas pli veglias cun fitg bunas qualificaziuns han grondas difficultads da chattar plazzas da lavur.

Sch'i èn avant maun deficits da qualificaziun, promovon ils CIL las mesiras necessarias da qualificaziun. Questa promoziun dura per regla maximalmain 6 mais. En cas da basegn èsi plinavant adina er pussaivel da sustegnair persunas dischoccupadas pli veglias cun agid da coachings individuals tras persunas spezializadas. Cunzunt per forzas da lavur auxiliaras pli veglias che han paucas experientschas cun la furmaziun, è il spazi d'agir per mesiras da qualificaziun savens fitg restrenschì. Plinavant stoi vegnir resguardà che bleras persunas dischoccupadas pli veglias han problems da sanadad, uschia che lur capaciad da prestaziun è limitada. Quai restrenscha fermamain la pussaivladad d'intermediaziun.



En num da la Regenza

Il president:

Il chancelier:

Dr. Jon Domenic Parolini

Daniel Spadin